



Broj: 23/09
Bugojno, 25.02.2009.

Na temelju člana 21. Pravila JU Kulturno sportski centar Bugojno donosim

PRAVILNIK

Susret pozorišta/kazališta lutaka BiH

I. Opće odredbe

Član 1.

JU Kulturno sportski centar Bugojno u okviru svoje djelatnosti organizira „**Susret pozorišta/kazališta lutaka BiH**“.

„**Susret pozorišta/kazališta lutaka BiH**“ je sljedbenik „**Susret pozorišta lutaka R BiH**“ koji se do 1990. godine održavao bijenalno u Bugojnu i bijenalnog je karaktera.

U zvaničnom nazivu Susreta stavlja se redni broj Susreta koji se održava tekuće godine.

Član 2.

Ovim Pravilnikom uređuju se osnovna pitanja orgaizacije i djelovanja „**Susret pozorišta/kazališta lutaka BiH**“, a naručito:

- vrijeme i mjesto održavanja
- način izbora i utvrđivanja liste predstava
- upravljanje i vođenje Susretima
- nagrade

te ostala pitanja značajna za održavanje Susreta.

Član 3.

„**Susret pozorišta/kazališta lutaka BiH**“ je tradicionalni susret lutkarskih pozorišta/kazališta lutaka iz Bosne i Hercegovine u svrhu popularizacije lutkarske umjetnosti i prikazivanja najboljih ostvarenja lutkarskih pozorišta/kazališta lutaka u Bosni i Hercegovini.

Član 4.

„**Susret pozorišta/kazališta lutaka BiH**“ nema status pravne osobe i u pravnom prometu se ostvaruje kao dio programa rada JU Kulturno sportski centar Bugojno.

Član 5.

„**Susret pozorišta/kazališta lutaka BiH**“ održava se svake druge godine u drugoj polovini septembra. Program Susreta se sastoji od zvanične selekcije i pratećeg programa. U zvaničnu selekciju se odabiru najkvalitetnije predstave po ocjeni selektora ili direkcije Susreta, najmanje

5, a najviše 8 predstava. Broj odabranih predstava u pratećem programu isključivo je u nadležnosti Organizatora Susreta.

Član 6.

Predstave se realizuju u Pozorišnoj dvorani KSC Bugojno, izuzev ukoliko izvođač nema posebne zahtjeve kojima se može udovoljiti.

II. Organizacioni odbor i Umjetničko vijeće Susreta

Član 7.

Organizacioni odbor Susreta sastoji se od 10 članova. Po svojoj funkciji članovi Organizacionog odbora su:

- Iz Kulturno sportskog centra Bugojno:
 1. Direktor JU Kulturno sportski centar Bugojno
 2. Predsjednik UO Kulturno sportskog centra Bugojno
 3. Tehnički rukovodilac u Kulturno sportskom centru Bugojno
- Iz Teatra FEDRA Bugojno:
 4. Predsjednik UO Teatra FEDRA Bugojno
 5. Predsjednik Umjetničkog savjeta Teatra FEDRA Bugojno
- Iz općine Bugojno:
 6. Načelnik općine Bugojno
 7. Uposlenik općine Bugojno po prijedlogu Načelnika općine Bugojno
 8. Predsjednik Umjetničkog vijeća Susreta
- Iz reda građana –
- pet članova na osnovu prijedloga gore navedenih članova i usvajanjem prostom većinom.
 - Za punopravno donošenje odluka potrebno je da na sjednici prisustvuje minimalno 7 članova. Odluke se donose prostom većinom.

Član 8.

Na svojoj prvoj sjednici Organizacioni odbor bira svog predsjednika prostom većinom.

Član 9.

Organizacioni odbor Susreta obavlja slijedeće zadatke:

- Imenuje direktora Susreta
- Na prijedlog direktora Susreta usvaja Finansijsku konstrukciju Susreta
- Predlaže direktoru Susreta određene dopune u organizaciji Susreta
- Na prijedlog direktora usvaja operativni plan za realizaciju Susreta.
- Razmatra izvještaj o realizaciji Susreta.
- Na prijedlog direktora Susreta bira Izvršnog producenta Susreta.
- Usvaja izmjene i dopune ovog Pravilnika

Član 10.

Direktor Susreta obavlja slijedeće zadatke:

- Predlaže Organizacionom odboru finansijsku konstrukciju Susreta

- Predlaže konačni program Susreta u okviru sredstava koja su osigurana.
- Predlaže Organizacionom odboru Operativni plan za realizaciju Susreta
- Određuje redosljed izvođenja predstava u suradnji sa Umjetničkim vijećem Susreta.
- Izrađuje marketinški plan Susreta
- Organizira smještaj učesnika Susreta
- Organizira uvjete za nesmetani rad selektora i žirija
- Samostalno bira stručne saradnike za realizaciju Susreta (Urednika kataloga, Urednika Biltena, Suradnika za rad na marketingu, Suradnike za tehničku realizaciju Susreta)
- Koordinira rad stručnih vijeća Susreta.
- Donosi odluku o izboru selektora Susreta i žirija Susreta na osnovu prijedloga Umjetničkog vijeća Susreta.
- Dostavlja izvještaj o realizaciji Susreta Organizacionom odboru Susreta.
- U slučaju da Umjetničko vijeće ne predloži određene kandidate za selektora i stručni žiri na vrijeme, samostalno donosi odluku o imenovanju selektora i stručnog žirija.

Član 11.

Umjetničko vijeće sastoji se od 5 članova. Tri spoljna člana se imenuju po izboru direktora Susreta.

Po svojoj funkciji članovi umjetničkog vijeća su:

- direktor Susreta
- direktor JU Kulturno sportski centar Bugojno (Organizator Susreta)
- Predsjednik US Teatra FEDRA Bugojno

Na prijedlog učesnika, direktor JU Kulturno sportski centar Bugojno imenuje članove Umjetničkog vijeća najkasnije do 01. marta za Susret u tekućoj godini.

Član 12.

Članovi Umjetničkog vijeća na svojoj prvoj sjednici biraju predsjednika Umjetničkog vijeća iz svojih redova prostom većinom.

Član 13.

Umjetničko vijeće obavlja zadatke predviđene ovim Pravilnikom, a naročito:

- predlaže selektora Susreta
- predlaže sastav žirija Susreta
- Usvaja izvještaj selektora o odabiru predstava za zvanični program Susreta
- predlaže izmjene i dopune ovog Pravilnika
- u javnim nastupima, pojedinačno i kao Vijeće promoviše „Susret pozorišta/kazališta lutaka BiH“
- predlaže prateće sadržaje Susreta (kreativne radionice, razgovore, panel diskusije i okrugle stolove i dr.)
- predlaže sve popratne manifestacije u toku održavanja Susreta.

Član 14.

Umjetničko vijeće, pored redovnih sjednica, obavezno održava izvještajnu sjednicu.

Izvještajna sjednica mora se održati najkasnije do 15. decembra za tekuću godinu.

II. Pravo prijavljivanja i sudjelovanja

Član 15.

Pravo prijavljivanja i sudjelovanja u zvaničnoj selekciji na Susretima imaju lutkarska pozorišta/kazališta iz Bosne i Hercegovine, nezavisne teatarske grupe i samostalni umjetnici.

Krajnji rok za prijavu predstava je 15.05.

Profesionalna pozorišta/kazališta iz BiH (Pozorište lutaka Mostar, Lutkarsko kazalište Mostar, Pozorište mladih Sarajevo, BNP Zenica Dječija scena, Dječije pozorište Republike Srpske) po svom izboru na Susret prijavljuju po jednu predstavu koje ulaze u Zvanični program Susreta.

Nezavisne teatarske lutkarske scene i samostalni umjetnici vrše prijavu svojih predstave koje pregleda Selektor i predlaže Umjetničkom vijeću koje predstave bi trebalo uvrstiti u Zvanični program a koje u prateći program.

Član 16.

Predstava koja je uvrštena u zvanični program Susreta bit će izvedena jednom u zvaničnom programu i po mogućnosti drugi put u Bugojnu ili okolnim gradovima (Gornji Vakuf/Uskoplje, Donji Vakuf, Kupres, Jajce i Travnik) i to sa svim relevantnim tehničkim prilagodbama uvjetima scene kako ne bi bio umanjen njezin umjetnički integritet i kvalitet.

Prijavom na Susrete, prijavitelj ovlašćuje JU Kulturno sportski centar Bugojno da može bez posebne dozvole prijavitelja ili trećih lica, koristiti materijale prijavitelja u svrhu marketinga i pružanja informacija u svrhu realizacije Susreta.

Organizator Susreta nema obavezu da vraća materijale koji su dostavljeni prilikom prijave na Susrete.

IV. Selektor Susreta

Član 17.

Selektora Susreta predlaže Umjetničko vijeće Susreta, a imenuje ga direktor Susreta i to najkasnije do 15.03. tekuće godine.

U svom radu Selektor je upotpunosti neovisan.

Svoj odabir predstava Selektor je dužan obrazložiti u pismenoj formi i predočiti ga Umjetničkom vijeću i Direktor Susreta na usvajanje, najkasnije do 15. jula tekuće godine

V. Stručni žiri Susreta

Član 18.

Direktor Susreta na prijedlog Umjetničkog vijeća imenuje Stručni žiri Susreta najkasnije do 01. septembra tekuće godine.

Član 19.

Stručni žiri Susreta ima od 3 do 5 članova.

Član 20.

Članovi Stručnog žirija samostalno biraju svog predsjednika i utvrđuju način rada i odlučivanja u skladu sa pravilima ovog Pravilnika.

Član 21.

Članovi Stručnog žirija su obavezni pratiti izvođenje svake predstave na Susretu i učestvovati u razgovorima na okruglim stolom.

Član 38.

Nakon izvođenja posljednje predstave Stručni žiri dužan je sastati se u punom sastavu i donijeti odluku o nagradama.

Član 22.

Dodjela nagrada održat će se posljednjeg dana Susreta i tom prilikom će se održati predstava izvan konkurencije.

VI. Dječiji žiri

Član 23.

Direktor Susreta na prijedlog direktora osnovnih škola iz općine Bugojno (po jednog učenika) i Dječije scene Teatra FEDRA Bugojno i Dječijeg pozorišta EKO-ART Bugojno (po dva člana) imenuje Dječiji žiri.

Član 24.

Dječiji žiri ima najmanje 9 članova.

Član 25.

Dječiji žiri samostalno donosi odluku.

Član 26.

Članov Dječijeg žirija su obavezni gledati sve predstave u zvaničnom programu i obavezno prisustvovati okruglim stolovima.

VI. Nagrade

Član 27.

Stručni žiri dodjeljuje ukupno 5 nagrada.

A to mogu biti: Nagrada za najbolju predstavu u cjelini, Nagrada za najboljeg glumca i glumicu, Nagrada za najbolji tekst ili dramaturgiju teksta, Nagrada za najbolju režiju, Nagrada za najbolju kreaciju lutaka, Nagrada za najbolju scenografiju, Nagrada za originalnu muziku, Nagrada za svjetlo i Nagrada za najbolju kostimografiju.

- Žiri od navedenih nagrada dodjeljuje 5, s tim što se Nagrada za najbolju predstavu mora dodijeliti i još četiri nagrade po svom izboru, s tim što može dodijeliti i neku nagradu koja nije navedena a žiri smatra da je neophodno da se dodjeli.

- Žiri pored dodjeljenih 5 nagrada može dodijeliti i tri priznanja.

Član 28.

Nagrada je u obliku plakete na kojoj je postavljen zaštitni znak Susreta.

Član 29.

Dječiji žiri dodjeljuje Nagradu za najbolju predstavu.

VII. Javnost rada

Član 30.

Lutkarska pozorišta/kazališta čije su predstave uvrštene u program Susreta primaju na znanje i sporazumna su s time da će JU Kulturno sportski centar Bugojno, u okviru programa Susreta, održavati okrugle stolove, razgovore, davati informacije medijima radi prezentiranja javnosti, te da će dijelovi predstava biti snimani za potrebe radija, televizije i web stranice JU Kulturno sportski centar Bugojno, te se odriču bilo kakvih potraživanja za navedene aktivnosti.

Član 31.

Rad Susreta je javan.

Informacije i podatke o odvijanju Susreta daje Direktor Susreta i osobe koje on za to ovlasti.

DIREKTOR SUSRETA
Vahid Duraković